

Aber solche vnd dergleichen
Calumnien, wird ein verstendiger
nicht gros achten/sondern vielmehr
Gott höchlich dafür dancken/ daß
er in der deutschen Muttersprache/
von der Arzneykunst auch etwas
erfahren/ lesen/ verstehen/ vnd in
fürfallender noht/ zu seinem besten/
gebrauchen kan.

Damit auch jederman sehen
vnd wissen möge/ was Religion
vnd Glaubens mein Vater seliger/
gewesen/ so habe ich sein Bekenntnis/
darauff er sich in seiner höchsten
leibes schwachheit/ vnd in agone
mortis berueffen/ vnd seliglich ver-
schieden/ welches man erst nach sei-
nem Tode/ mit eigener hand ge-
schrieben/ vnd versiegelt gefunden/
auch hiezue drücken lassen wollen.

Demnach Er dann vnter an-
dern seinen nützlichen Schrifften/
auch diß Tractetlein von den Ros-
sen/ beschrieben hinterlassen: Als
bin ich von vielen hohes vnd niedri-
ges